

Alcvinus Earduulfum, regem Northanhumbro- rum constitutum, admonet.

Codd. Ha fol. 11'—13, Hb fol. 80—80'.

796 post m. Maium.

Edd. F 166, J 65. — Migne col. 229.

5 VIRO INLUSTRI EARDUULFO^a REGI¹ ALCHVINE^b DIACONUS SALUTEM.

Memor antiquae inter nos conductae amicitiae, etiam et venerandae salutationis vestrae valde congaudens, paucis litterarum apicibus vestram laudabilem personam de prosperitate regni tibi a Deo conlati et de salute animae tuae ammonere curavi, et quo modo stabilis tibi traditus^c honor Deo donante permaneat.

10 Scis optime, de quibus te divina misericordia liberavit periculis et quam facile te, dum voluit^d, provexit in regnum. Esto semper memor et gratus tam maximorum in te Dei donorum; in eo maxime, ut, quantum intellegere valeas, illius in toto corde facias voluntatem et sis oboediens servis Dei, qui te de mandatis eius ammoneant. Scito certissime, quod nullus alius tuam vitam conservare potest nisi ille, qui te de
15 morte^e liberavit praesenti², nec isto protegere et custodire honore nisi ille, qui gratuita pietate istam tibi concessit dignitatem. Serva diligenter in animo tuo^f misericordiam et iustitiam; quia, Salomone dicente ac magis Deo concedente, misericordia et iustitia Cf. Prov. 16,
firmabitur solium regni. 12; 25, 5.

Considera intentissime, pro quibus peccatis antecessores tui vitam perdidissent et
20 regnum. Et cautissime observa, ne talia agas; ne tale tibi eveniat iudicium. Aliorum periuria Deus damnavit; aliorum adulteria punivit; aliorum avaritiam et fraudes vindicavit; aliorum iniustitiae non placuerunt illi. Non est personarum acceptor Deus; sed Act. 10, 34.
qui talia agunt, regnum Dei non possidebunt. Erudi te ipsum primo in omni bonitate et sobrietate; postea gentem, cui praeesse videris, in omni modestia vitae et vestitus,
25 in omni veritate fidei et iudiciorum, in observatione mandatorum Dei et honestate morum. Sic itaque et regnum tibi firmabis et gentem salvabis et ab ira Dei liberabis illam, quae certis signis diu imminebat illi.

Numquam tantus nobilium et rectorum sanguis^g effunderetur^h in ea, nec sic loca sancta pagani devastarent, et tanta iniustitia et arrogantia valeret in populo, nisi
30 perspicua Dei vindicta inmineret habitatoribus terrae. Tu vero, ad meliora ut credo servatus tempora et ad correctionem custoditus patriae, Dei teⁱ auxiliante gratia, operare omni intentione in Dei voluntate salutem animae tuae et prosperitatem patriae et populi tibi commissi; quatenus ex correctione subiectorum dicioni tuae tibi tuisque nepotibus praesens feliciter firmetur regnum et futuri regni gloria aeternaliter
35 concedatur.

Haec cartula, obsecro, vobiscum servetur et saepius legatur ob memoriam salutis vestrae et dilectionis nostrae; ut Deus omnipotens in profectu sanctae suae aecclesiae ad prosperitatem nostrae gentis te^k multo tempore in regno florentem et in omni bono proficientem conservare dignetur. Vive^l et vale Deo donante in secula sempiterna.

40 ^a) Ardulfo *Hb.* ^b) Alcuinus *Hb.* ^c) traditur *Hb.* ^d) volat *Hb.* ^e) mortis *Hb.*

^f) sequitur in *Ha* et regno, sed deletum linea subducta; in *Hb* sequitur: et regno. ^g) sanguis *Ha.*

^h) effunderetur *Ha.* ⁱ) te erasum est in *Hb.* ^k) gentis te addidit *J.* ^l) Vive—sempiterna om. *Hb.*

1) regi Northanhumbro- rum die 26. Mai. 796. consecrato. *V. infra p. 156 n. 1.* 2) anno 791. Simeon. Dunelm. 790 (p. 52): Cuius (*Ethelredi*) anno secundo Eardulf dux captus est et ad Ripun per-
45 ductus, ibique occidi iussus extra portam monasterii a rege praefato. Cuius corpus fratres cum Grego- rianis concentibus ad ecclesiam portantes et in tentorio foris ponentes, post mediam noctem vivus est in ecclesia inventus. *J.*